



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 56. Epistola ad Paulum Thessalonicensem.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

S. Martinus Papa non solum ad Orientales suas dedit Epistolas, sed etiam ad Episcopum Carthaginensem, omnes Episcopos & populos ipsi subjectos, in quibus significat, Fidei Confessionem, in eorum Epistola Synodali contentam sibi probari. Præterea eis Acta Concilii cum Epistola encyclica mittit.

§. LVI.

Epistola ad Paulum Thessalonicensem.

Cum Paulus Episcopus Thessalonicensis, iterum ordinatus, litteras suas Synodicas, suam Confessionem Fidei continentes, ad S. Martinum Papam misisset, ut mos ferebat, noluit eas recipere Pontifex, quod Monothelitis faverent; verum, Pauli Legatis affirmantibus, errorem, qui in ejus litteris apparebat, oscitantia scribentis irrepsisse, quem Paulus, quamprimum leniter moneretur, correcturus esset, flecti se passus est Papa, & ne quidem illo jure uti voluit, quo Paulum Sacræ Sedi speciatim subjectum compellere potuisset, ut Romam veniret, & canonice causam diceret; sed satis fore existimavit, ei opera Sacræ Sedis Legatorum, qui apud ipsum erant, ostendere, in quo errasset, eique transmittere formulam Fidei scriptam, quam profiteri deberet. At Paulus, deceptis Legatis, tradidit Fidei professionem, in qua, ubi de

Sæculum VII
A. C. 649.

Epist. 12.

Sæculum VII de Voluntate & Operatione Jesu Christi
A. C. 649.

loquitur, vocem *Natura sua* omiserat, & Anathematismum non apposuerat. Legati quidem his dolis & blanditiis capti hoc Scriptum receperunt; sed Papa, hac formula sibi reddita, eos in cinere & cilicio pœnitentiam agere, & Paulo Theffalonicensi Anathema dicere iussit.

Id ipsum ei Papa data Epistola mense Nov. anno 649. indicat, & postquam fraudes exprobravit, dicit: *Scito, te ab omni Dignitate Sacerdotali, & omni Ministerio in Ecclesia Catholica esse depositum, donec ea omnia, nec ullo apice omissa, quæ in Nostro Concilio definivimus, in litteris manu tua signatis confirmaveris, & his omnibus, quæ anathematizavimus, præsertim novis Hæreticis cum sua Ecclesiâ & Typo Anathema dixeris. Præterea ille etiam error a te emendandus est, quod contemptis Canonibus te subditum & Sacræ Sedis Vicarium in tuis Epistolis non profitearis.*

Epist. 13.

Eodem tempore scripsit Papa ad Fideles Ecclesiæ Theffalonicensis, jubens, ne cum Paulo amplius communicent, sed Rem Divinam a Presbyteris & Diaconis celebrari curent, usque dum Paulus ad officium redierit, vel alius Episcopus in ejus Sedem electus fuerit.